



छवआ मन केर बाइबिल
प्रस्तुत

जेखन ईश्वर सोभ
जीनिस के बनालक



लिखेख वाला: Edward Hughes

उधारण देवे वाला: Byron Unger; Lazarus

उपाय करे वाला: Bob Davies; Tammy S.

अर्थ बताएक वाला: Anugrah Stosh Kindo

बनाएक वाला: Bible for Children
www.M1914.org

©2017 Bible for Children, Inc.


अनुमति: तांय इके छाईप सकिसला और दुसर भी
बनाएक सकिसला मागुर वेईच नी सकिसला ।



के हमीन के बनालक? बाइबिल और ईश्वर
केर वचन बतायला की कनियर मनोवा
कुटुम कर जनम होलक ।




ढेरी साल आगे ईश्वर सोभ से आगे
मनोवा के बनालक और उकर नाम आदम
रखलक ।




ईश्वर आदम के ई धरती केर माट्टी से
बनालक, जेखन ईश्वर आदम केर भीतरे
जिन्दा करेक आत्मा के डाललक ओहे
बेरा ऊ जिन्दा होई
गेलक ।




उ अपने के सुंदर बागीचा में पालक जेके
अदन बगीचा कहेना ।




आदम के बनायेक से आगे ईश्वर कतई
सुंदर धरती जमीन और उकर में रहे वाला
अदभुत जीनिस के बनालक ।




गोटेक बदे गोटेक ईश्वर पहाड़ी ठावं और
गाँछ रहित हरियर ठावं, सुगन्धित फुला
और लाम्बा लाम्बा गाँछ, ...



... चमकेक डैना वाला चराई और
भिन्भिनायेक वाला भौरा, उछेलेक वाला
व्हेल मछरी, चिकन चिकन घाँधी ।



सोब से सरवात में, इकर
से आगे की ईश्वर कोनो
जीनिस के बनालक,
हवां कोनो नी
रहलक । ना
मनोवा ना
ठावं ना कोनो
जीनिस । कुछो
नी रहलाक ।



ना इंजोत ना अंधार ।
ना उपरे ना निचे ।
ना गेलक दिना ना
अवेक दिना ।
हंवा ईश्वर
एकला रहलक,
जेकर सुरवात
नखे । उंकर बदे
ईश्वर कोनो धधा
करलक ।



सुरवात में, ईश्वर आकाश और
धरती के बनावक ।



और धरती
सुनसान और
उबड़ खाबड़
पडल
राहे ।




और गहिरा पनी
अंधकार केर उपरे
रहे । उकार
बदे ईश्वर
कहलक
ई ठावं
इन्जोत
होई
जा ।



और इन्जोत होई गेलक । ईश्वर इन्जोत
के दिना काहलक और अंधार के राईत
कहलक । और साँझ होलक उकार बदे
बिहान होलक । ई पहिला दिना रहलक ।



दुसर दिना के, ईश्वर महासागर केर
पनी के आकाश केर नीचे समंदर
और झील केर रूप में कईर देलक ।



तिसर दिना, ईश्वर कहलक, “सुखाल
ठावं दिसक लग ।” और ई होई गेलक ।



ईश्वर ई भी आदेश देलक की घांस और
फूला और झुंड झाड़ और गाँछ
मन दिसक लग और
दिखेक लगलक ।




और साँझ होलक उकार बदे बिहान
होलक । ई तीसर दिना
रहलक ।



उकर बदे ईश्वर सुरुज के
बनालक, और चंद्रामामा
और ढेरी तारागन, जेके
की केहो गिनेक नी
परबएं ।



और साँझ होलक
उकार बदे बिहान
होलक । ई चोथा
दिना रहलक ।




समंदर केर ज़िव जंतु
और मछरी और चराई
ईश्वर केर आगे सूचि में
रहलक । पांचवा दिना
ईश्वर बड़का तलवार
नियर मछरी और
छोटका मछरी, लम्बा
गोड़ वाला शतरमुर्ग और
बेस गुनगुनायैक वाला
चराई के बनालक ।




ईश्वर सोभै रकम केर
मछरी से धरती केर
पनी के भोईर देलक,
और सोभ रकम केर
चराई केर खुशी लगिन
जमीन और समुंदर और
आकाश के बनालक ।
और साँझ होलक उकार
बदे बिहान होलक । ई
पांचवा दिना रहलक ।




उकर बदे, ईश्वर और एक धों कहलक । उ
कहलक “ई धरती में जिन्दा जीव जंतु होई
जा ।” सोभ रकम केर जनवर और कीड़ा
और रेंगेक वाला आय जा । हंवा धरती
हिलयेक वाला हाथी और हिर्ने हुने जाएक
वाला उद्बिलन रहलक ।



सरारिती बांद्रा और बेस नी दिखेक वाला
मगरमच्छ । हिलेक डुलेक वाला जोंक और
निर्लज गिलहरी । सोंभ रकम केर जनवर
उ दिना ईश्वर बनालक ।



और साँझ होलक उकार बदे बिहान
होलक । ई छटवां दिना रहलक ।



छटवां दिना ईश्वर गोटेक आलागे जीनिस
बनालक-गोटेक बहते खास । एखन सोभ
जीनिस मनोवा लागिन तैयर रहलक ।

हुंवा खेत में खाएक
लागिन अन्न और
उके संगे देवेक
ले जनवर केर
मांस आहे ।



और ईश्वर कहलाक, अब मनोवा के अपन
सरूप लेके बनाबं । अब मनोवा के धरती
केर सोभ जीनिस कर स्वामी होवेक दे ।

सेकर ले ईश्वर मनोवा
के अपन रूप लेखे
बनालक । ईश्वर
केर जइसन रूप
में उ उके
बनालक ।



ईश्वर आदम के
कहलक । जे
भी तोयं पसंद
करिस ला,
बगीचा केर
सोभ जीनिस
तोयं खाय
सकिसला ।



लेकून बेस और
बेकार कर ज्ञान
वाला गाँछ केर
फल नी खाबे ।
जदी तोयं उ
गाँछ से खाबे तो
तांय सचे कर
मोइर जबे ।



और ईश्वर स्वामी कहलक । “ई बेस नी
आहे की मनोवा एकला रेही । मोयं उकर
ले एगो संगी बनाबों ।” ईश्वर
सोभे चराई और जंगल केर
जनवर के अदम ठिना
लानलक ।



और आदम सोभ केर नाम रखलक । उ
ई सोभ काम के बड़ी चतुराई से करलक ।
सेहों में, सोभ चराई और
जंगली जनवर केर बीच
केहों उकर ले बेस संगी
नी भेटालएँ ।



ईश्वर आदम के बड़ी गहिरा नींद में डाईल
देलक । ईश्वर निंदाल मनोवा केर पंजरा

के निकलयके जनी के
बनालक । जे जनी के
ईश्वर बनालक उ
एकदम से आदम
केर सही संगी
होइ गेलक ।



ईश्वर छटवां दिना सोभ जीनिस
के बनालक । उकर बदे ईश्वर
सातवाँ दिना के आशीष करलक
और ईके आराम कर
दिना बनालक ।



अदन बगीचा में, आदम और
उकर घारावनी हवा पूरा पूरा
खुश, आज्ञाकारी राहें ।
ईश्वर उ मन केर स्वामी,
उपाय कराईया और संगी
रहलक ।



जेखन ईश्वर सोभ जीनिस के बनालक
बाइबिल इश्वर केर वचन कर कथा हेके

ई हमीन के मिलेला

उत्पति 1-2

“तोर सुरवाती बतिया इंजोत कर कम करेला.”
भजन संहिता 119:130



सिरालक



ई बाइबिल कथा, अद्भुत ईश्वर केर बारे जे हमीन के बनालक और चाहेला की तौय उके जान ।

ईश्वर जानेला की हमीन गलत कम कईर ही, उ उके पाप कहेला । पाप कर सजा तो मोरेक है, लेकिन ईश्वर तौके बहते प्रेम करेला, उ अपन एके ठोह छुटवा जे रहलक सेकै भेजलक, “उ यीशु हेके” जे की करूस में तोर पाप केर सजा खातिर मौरलाक । और यीशु जीवन में फिर घईर आलाक और अपन घर स्वर्ग चईल गेलक । येदी तौय यीशु में पातीयाबे और तोर पाप केर क्षमा मंगबे, तो उ तौके क्षमा कईर देवी । उ आवी और एखन से तोर भीतरे रहेक शुरू करी और तौय उकर संगे गोटा जींदगी राहबे ।



येदी तॉय पतियाईसला की
ई सच्च हेके तो ई तॉय ईश्वर से बोल ।
दुलार यीशु मांय पतियाँवना की तॉय ईश्वर हेकिस,
और मनोवा बाईन मोर पाप खातिर मोरले, और एखन
तॉय फिर से जीन्दा होइजा हीस । दया कईर के मोर
जीवन में आव और मोर पाप के क्षमा कईर दे ताकी
मांय अब से नवा जीवन जीबुं, और एक दिना जिन्दगी
भईर ले तोर संगे चईल जाबुं । मोके मददत कर तोर
वचन के मानेक में ताकिं तोर छउवा बाईन के
तोर ले जीवन जी सकबुं । आमीन ।

रोईज दिना बाइबिल पाईठ के ईश्वर
संगे बतियओ । जोहन 3:16

